



Broj : 43 0 Su 227812 23 Su 2
Zenica, 11.11.2023. godine

IZVJEŠTAJ I ZAKLJUČI SA RADIONICE „SEDMICA SUDSKE NAGODBE“
održane 02.11.2023. godine u Općinskom sudu u Zenici

Dana 02.11.2023. godine u 12.00 sati, u saradnji Kantonalnog suda u Zenici i Općinskog suda u Zenici, u Općinskom sudu u Zenici održana je Radionica „Sedmica sudske nagodbe“ u organizaciji i odluku Predsjednice Kantonalnog suda u Zenici i Predsjednice Općinskog suda u Zenici, sve u nastojanju doprinosa pozitivnom uticaju na efikasnost sudskih postupaka te promjenu pristupa suda i stranaka rješavanju sporova, gdje se kao prioritet postavlja brže i efikasnije rješavanje sporova, s akcentom na zadovoljstvo stranaka na ishod spora i uslugu suda.

Radionica je održana sa sljedećim dnevnim redom :

1. 12:00 – 12:15 - Dunja Rojević, sudija Općinskog suda u Zenici – „Sedmica sudske nagodbe“
2. 12:15 – 12:30 - Adnan Baručija, sudija Kantonalnog suda u Zenici - „Uloga suda u zaključenju sudske nagodbe“
3. 12:30 – 12:45 - Sedad Kliko, Kantonalni pravobranilac Zeničko – dobojskog kantona – “Procedura zaključivanja sudske nagodbe u postupcima u kojima je stranka kanton ili organi kantona”
4. 12:45 – 13:00 - Emira Alić, advokat iz Zenice, predstavnica Regionalne advokatske komore Zenica – “Sudska nagodba s aspekta troškova postupka”
5. 13:00 – 13:15 – Diskusija.


Radionici su, pored izlagača, prisustvovali Predsjednica Općinskog suda u Zenici, Dženana Brković, sudije i stručni saradnici Općinskog suda u Zenici, predstavnici komunalnih preduzeća iz Zenice (JP Vodovod i kanalizacija doo Zenica, Alba Zenica doo Zenica, A Eling doo Zenica), te, kao izlagači: Emira Alić, advokat iz Zenice, kao predstavnik Regionalne advokatske komore Zenica, Sedad Kliko, Kantonalni pravobranilac Zeničko – dobojskog kantona, Adnan Baručija, sudija Kantonalnog suda u Zenici, te Dunja Rojević, sudija Općinskog suda u Zenici.

Uvodno obraćanje dala je Predsjednica Općinskog suda u Zenici, Dženana Brković, nakon čega su izlagači, kao u naprijed navedenom Dnevnom redu, izlagali na navedene teme.

Po okončanju izlaganja svih izlagača diskutovalo se na teme koje su izlagane, te o prijedlozima mogućih načina unapređenja sudske nagodbe kao načina okončanja sudskih postupaka.

S tim u vezi, usvojeni su sljedeći zaključci:

1. Inicijativa za izmjenu Zakona o sudskim taksama ZE – DO kantona, na način da su stranke oslobođene obaveze plaćanja sudske takse na sudsku nagodbu u sporovima okončanim sudskom nagodbom;
2. Inicijativa za izmjenu “Procedura zaključivanja sudske nagodbe u postupcima u kojima je stranka kanton ili organi kantona”
3. Buduće kontinuirano održavanje radionica „Sedmica sudske nagodbe“.



Predsjednica Kantonalnog suda u Zenici

Snježana Čolaković

Predsjednica Općinskog suda u Zenici

Dženana Brković, MA iur.